

Headlines

- प्रधानमंत्री नरेन्द्र मोदी होर अज्ज अपने रेडियो कार्यक्रम “मन की बात” च देश विदेश च रौहने आले श्रोताएं कन्नै बचार सांझे करगंन।
- मुख्यमंत्री उमर अब्दुल्ला होरें प्रशासन गी निर्देश दित्ता जे आम जनता दिएं दिक्कतें शकैतें दा नबेड़ा पैहल दी बिनाह पर कीता जा।
- जम्मू दे मांडा इलाके च इक यात्री बस हादसे च 1 दी मौत 16 लख्मी। उपराज्यपाल मनोज सिन्हा ते मुख्यमंत्री उमर अब्दुल्ला होरें हादसे पर दुख जताया, घायलें दी हर मदद दा भरोसा दोआया।
- समूचे जम्मू संभाग च सुरक्षा बलें दे तुपाई अभियान जारी, रियासी च इक आतंकी ठकाने थमां थेआर ते गालीबरूद बरामद।
- आईसीसी चैंपियन्स ट्रॉफी च अज्ज दुबई च भारत दा मकाबला रिवायती हरीफ पाकिस्तान कन्नै।

<><><><><><>

PM-MKB

प्रधानमंत्री नरेन्द्र मोदी होर म्हीने च इक बारी प्रसारत होने आले अपने रेडियो कार्यक्रम “मन की बात” अज्ज देश विदेश च रौहने आले श्रोताएं कन्नै बचार सांझे करगंन। हर म्हीने दे खीरले ऐतवार बडलै 11 बजे प्रसारत होने आले इस कार्यक्रम दी एह 119मीं किश्त होग। एह कार्यक्रम आकाशवाणी ते दूरदर्शन दे समूलचे नेटवर्क दे इलावा न्यूज ऑन एयर मोबाइल ऐप पर बी उपलब्ध रौहग। एहदे कन्नो कन्नी एहदा सिद्धा प्रसारण ए.आई. आर न्यूज, डीडी न्यूज, प्रधानमंत्री हुंदे दफ्तर ते सूचना ते प्रसारण मंत्रालय दे यूट्यूब चैनलें पर बी कीता जाग। आकाशवाणी जम्मू पर मन की बात दे तुरत मगरा एहदा डोगरी च अनुवाद प्रसारत कीता जाग। मन की बात दा डोगरी अनुवाद अज्ज रातीं 8 बजे इक बारी परतियै प्रसारत कीता जाग। आकाशवाणी दा क्षेत्रीय समाचार एकांश जम्मू अज्जै दी मन की बात पर इक चर्चा प्रसारत करोग रातीं साढ़े 10 बजे। एहदे च साढ़े महमान होंगन प्रो. अनिल सौमित्र आईआईएमसी जम्मू। चेता रखेओ अज्ज रातीं साढ़े 10 बजे।

<><><><><><>

CM

लोकें तगर पुज्जियै उंदिएं दिक्कतें शकैतें ते समस्याएं गी जानने दे जारी अपने हीले तैह्त मुख्मन्त्री उमर अब्दुल्ला होरें कल गांदरबल डाक बंगले च इक जनता दरबार लाया। इस दरान उनें मकामी लोकें ते केई शिष्टमंडलें कन्नै सिद्धे गल्लबात कीती, उंदिएं दिक्कतें शकैतें, सुझाएं ते मंगें गी सुनेआ। प्रमुख्मुद्दे च ढांचा गत विकास रोजगार दे मौके उपलब्ध कराने, जरूरी आम सेवाएं च बेहतरी ते इस चाल्ली दे होर विषय शामिल रेह। लोकें दिएं मंगें गी धरोइयै सुनने परेंत मुख्मन्त्री होरें उनेंगी उंदे हर मसलें दा तौले ते पैहल दी बिनाह पर हल्ल कड्ङने दा भरोसा दोआया ते सरबंघत अधिकारिएं गी लोड्चदी कारवाई दा निर्देश बी दित्ता। उनें प्रशासन गी निर्देश दित्ता ते आम जनता दे मुद्दे दे नबेड़े गी सब्बने शा मती तरजीह दित्ती जा।

<><><><><><>

Javed Dar

राई बाई मैह्कमे मंत्री जावेद अहमद डार होरें कल शेर-ए-कश्मीर एग्रीकल्चर यूनिवर्सिटी कश्मीर दे 10में सलाना एग्री-टैक्क मेले, गोगुल-2025 दा सूनिवर्सिटी दे शालीमार कैम्पस च उदघाटन कीता। त्रऊं दिनें दे इस आयोजन च कोई 4 सौ कोला मते पंडाल लाए गेदे न जित्थें राई-बाई दे पूरे पराते व्यापक विकास सरबंघी कम्में कारवाईएं, इस क्षेत्र दिएं उपलब्धिएं ते इंदे च कम्म रोजगार दे मौके ते संभावनाएं गी उजागर कीता गेदा ऐं इस मौके मीडिया कन्नै गल्ल करदे होई मंत्री जावेद डार होरें आखेआ।

<><><><><><>

Accident

जम्मू शैहरा दे बाहरले इलाके मांडा च कल संजा इक बस्सै दे सड़कें परा रूलकियै इक खड्ङै च जाई पौने कारण इक सुआरी दी मौत होई गई ते 16 दुए दे घायल होने दी खबर ऐ। जानकारी मूजब एह हादसा उसलै पेश आया जिसलैजे माता वैष्णो देवी जी दे श्रद्धालुएं गी लेइयै कटड़ा जा'रदी इक यात्री बस, मांडा दे त्रिक्खे मोडे च मोड़ कटदे लै डरैवर दे काबू च नेई रेही ते हेठ डूहंगी खड्ङै च जाई पेई। 17 घायलें गी तुरत जम्मू दे सरकारी मैडिकल कालेज अस्पताल पजाया गेआ जित्थें डाक्टरें इक गी मोए दा आंदा घोशत करी दित्ता। उपराज्यपाल मनोज सिन्हा ते मुख्मन्त्री उमर अब्दुल्ला होरें हादसे पर गैहरा दुख प्रगट करदे होई घायलें गी हर मदद दा भरोसा दोआ ऐ। इस हादसे बारे मीडिया कन्ने गल्ल करदे होई एसएसपी ट्रैफिक जम्मू फैसल कुरेशी होरें दस्सेआ।

<><><><><><>

Announcement

आकाशवाणी जम्मू दे क्षेत्रीय समाचार एकांश आसेआ कठुआ जिले लेई अंशकालिक संवाददाता यानि पीटीसी लेई दरखास्तां मंगियां गेइयां न। इच्छुक आवेदक जेहदी उमर 24 थमां 50 ब'रें दे बशकार ऐ ते ओह कठुआ जिले दा रौहने आहला ऐ, इस लेई आवेदन करी सकदा ऐ। मेदवार कश पत्रकारिता च पी.जी डिप्लोमा, डिग्री या कुसै बी पंजीकृत यूनिवर्सिटी थवां ग्रैजुएशन ते पत्रकारिता च 2 ब'रें दा तजुर्बा होना लोड़चदा ऐ। मेदवार गी कम्प्यूटर पर खबर बनाने ते मीडिया कवरेज दे अनुभव सने सरबबंधत लोड़चदे उपकरणें वगैरा दा इस्तेमाल करना बी औना चाईदा। आवेदक जिला सदर दफ्तर दी 10 किलोमीटर दी हद्द दे अंदर-अंदर रौंहदा होना चाईदा ऐ। दरखास्त ते लोड़चदे दस्तावेजें दी कॉपी मेदवार गी क्षेत्रीय समाचार एकांश आकाशवाणी पंजतीर्थी जम्मू उप्पर 07 मार्च 2025 थवां पैहले-पैहले आइए दस्ती जमा करोआनी होग।

<><><><><><>

Anti-Terror Operation

सुरक्षा बलें कल जम्मू खित्ते च केई सारी थाहरें पर आतंकवाद रोधी अभियान शुरू कीते। एह अभियान किश इलाके च संदिग्ध नकलो हरकत दिक्खे जाने मगरा चलाए गे। तपाशी अभियान राजौरी ते पुंछ जिलें दे अलावा उधमपुर-कठुआ आले इलाक। पहाड़ी जिले डोडा ते किश्तवाड़ सनें कबजा रेखा कन्नै लगदे जंगली इलाके च चलाए गे।

<><><><><><>

Reasi Hideout

आतंकवाद रोधी कारवाइएं तैहत इक बड़्डी सफलता हासल करदे होई सुरक्षाबलें रियासी जिले च आतंकवादिएं दी छप्पने आली थाहर दा पता लाइयै उसी प्ष्ट करी दित्ता ऐ। आकाशवाणी जम्मू संवाददाता दी रिपोर्ट मूजब इक टकोहदी सूह पर कारवाई करदे होई सुरक्षा बलें रियासी जिले दी माहोर तैहसील दे सिम्बली शाजरू इलाके च तपाशी अभियान चलाया। इस दरान उत्थुंआं भारी मात्रा च असला बरूद बरामद कीता गेआ। इस बरामदगी च एके-47 दियां 4 मैगजीनां, एके-47 रैफल दे 268 रौंद, 4 यूबीजीएल ते 4 पैकेट डेटोनेटर शामिल न। सुरक्षाबलें गी हासल होई दी एह सफलता, खित्ते च आतंकवादी गतिविधिएं गी बढ़ावा देने आली कारवाइएं लेई इक तगड़ी पछाड़ ऐ। सुरक्षाबल शांति ते स्थिरता बनाई रखने लेई लगातार चौकसी बरता दे न। नागरिकें गी बी आखेआ गेआ ऐ जे ओह चौकसी बरतन ते कुसै बी संदिग्ध गतिविधि बारे सुरक्षा कर्मिं जां सरबंधी प्रशासन गी अतलाह करन।

<><><><><><>

Tarang Mela

ग्रामीण उद्यमियता गी मकामी उत्पादें गी बढ़ावा देने दे मकसद कन्नै जम्मू कश्मीर क्षेत्रीय दफ्तर नाबार्ड आस्सेआ कअरा च आध्यात्मिक विकास केन्द्र च त्रै रोजा प्रदर्शनी ते बिक्री लेई तरंग मेले दा सरिस्ता कीता। एह मेला 22 थमां 24 फरवरी तगर चलोग। एहदा उद्घाटन कटरा दे विधायक बलदेव राज शर्मा होरें कीता। एह कार्यक्रम इक मंच उपलब्ध करोआग करसानें, आप सहायता समूहें ते जम्मू कश्मीर दे कारीगिरें गी तां जे ओह अपने उत्पादें गी प्रदर्शित करी सकन। इस मौके पर बोलदे होई कअरा थमां विधायक बलदेव शर्मा होरें आखेआ।

<><><><><><>

JMC Kishtwar

जम्मू म्यूपिसिपल कारपोरेशन दे आयुक्त डॉ. देवांश यादव होरें किश्तवाड़ जिले दा व्यापक दौरा लाया। इस दौरे दा मकसद सेहत ते सफाई गी बेहतर करना हा। दोरे दरान इक जहार थमां बद्ध मकामी लोक ते अफसर मजूद हे। केइ सारे महत्वै आले मामले पर चर्चा होई। यादव होरें सार्वजनिक सेहत सेवा, साफ सफाई ते जिले दी पूरी पराती, ढांचागत सहूलतें च बाद्धा करने पर जोर दित्ता। उंदे दौरे दा मकसद जिले च साफ सफाई गी जकीनी करने ते बेहतर सेवाएं दी पुज्ज बनाना ऐ। आकाशवाणी समाचार कन्नै गल्ल करदे होई जेएमसी दे कमीशनर होरें आखेआ।

<><><><><><>

India Pak Match

मर्दे दी आईसीसी चैंपियंस ट्रॉफी क्रिकेट टूर्नामेंट च भारत दा मुकाबला अज्ज दपैहरी दुबई अंतर्राष्ट्री स्टेडियम च रिवायती हरीफ पाकिस्तान कन्नै होग। एह मैच भारती समें मताबक दपैहरी ढाई बजे थमां खेड्ढेआ जाहग। रोहित शर्मा दी अगुवाई च भारती टीम नै जंदे बुधवारें बंगलादेश दे खलाफ 6एं विकटें दी जित्त कन्नै चैंपियंस ट्रॉफी च अपना अभियान शुरु कीता हा। दुई बक्खी पाकिस्तान गी ओहदे पैहले गै मैच च कराची च न्यूजीलैंड दे हत्थें 60 रन्जें दी शिकस्त झल्लनी पेई ही। जेकर अज्जै दे मैच च भारत जित्ती जंदा ऐ तां इक चाल्ली कन्नै सेमीफाईनल लेई ओह अपनी थाहर पक्की करी सकदा ऐ ते जेकर पाकिस्तान नै इस प्रतियोगिता च बने दा रौहना ऐ तां उसी अज्जै दा मैच हर हाल च जित्तना गै होग। तोआई कल्लै दे मुकाबले च अस्ट्रेलिया नै इक त्रिक्खे मुकाबले च इंग्लैंड गी हराई दित्ता।

<><><><><><>